

Yn ystod y tymor aeth heibio  
bu nifer o weithgareddau yn  
yr ysgol. Cafwyd cyfle un  
prynhawn i weld y fan sy'n  
mynd o amgylch y wlad i  
sicrhau fod gan bob un sy'n  
berchen ar deledu drwydded.

Diddorol iawn oedd cael ar  
ddeall sut oedd pethau'n  
gweithio.

Llongyfarchiadau i nifer  
sydd wedi ennill clod ac  
anrhydedd dros yr wythnosau  
diwethaf. Daeth Jason Davies  
yn ail yng nghystadleuaeth  
traws gwlad Cenedlaethol yr  
Urdd ac yn ail hefyd ym  
mhencampwriaeth Dyfed yng  
Nghaerfyrddin. Ym maes  
arlunio y cafodd Charlotte  
Read lwyddiant - ennill  
cystadleuaeth cynllunio  
cerdyn Pasg dan nawdd Banc  
Barclays. Enillodd wobr  
ariannol iddi ei hun ynghyd  
ag un sylweddol i'r ysgol.

Bu'n dymor llwyddiannus i'r  
tîm pêl-droed - cyrraedd y  
brig drwy ennill pob gêm.  
Cyraeddasant y rownd  
derfynol yn y gystadleuaeth  
i ysgolion y cylch a hefyd  
ennill eu hadran yn y gemau  
pump bob ochr ond boddi yn  
ymyl y lan fu eu hanes yn y  
rownd derfynol. Rhaid canu  
clodydd y merched hefyd.  
Enillwyd y darian hoci  
ganddynt a daethant i'r  
rownd derfynol yn y  
gystadleuaeth pêl-droed pump  
bob ochr i ferched.